

Նույն դատարանի 26.06.2016թ. որոշմամբ նշանակվել է դատաշինարարատեխնիկական և դատաապրանքագիտական փորձաքննություն ու գործի վարույթը կասեցվել է: Այն վերսկսվել է նույն դատարանի 18.03.2019թ. որոշմամբ:

ՀՀ Երևան քաղաքի առաջին ատյանի ընդհանուր իրավասության դատարանը (դատավոր Ե.Եսոյան) 04.05.2020թ. որոշում է կայացրել սույն քաղաքացիական գործը ՀՀ սնանկության դատարանի (այսուհետ՝ Դատարան) քննությանը հանձնելու մասին:

Դատարանի (դատավոր՝ Բ.Մկրտչյան) 01.06.2020թ. որոշմամբ սույն քաղաքացիական գործն ընդունվել է վարույթ, նշանակվել են դատական նիստեր:

Դատարանի 03.03.2021թ. դատական նիստում արձանագրային որոշմամբ Լևոն Շահենի Համբարձումյանը և Արթուր Ռուբիկի Սեդրակյանը ներգրավվել են որպես հակընդդեմ հայցով վեճի առարկայի նկատմամբ ինքնուրույն պահանջներ չներկայացնող պատասխանող կողմում հանդես եկող երրորդ անձինք:

Դատարանը 31.03.2022թ. կայացրած վճռով բավարարել է հայցը և հակընդդեմ հայցը, վճռել է հրապարակային սակարկությունների միջոցով վաճառել ՀՀ, ք.Երևան, Գլինկայի 1-ին նրբանցք, թիվ 1 տուն հասցեի անշարժ գույքը՝ ստացված գումարը բաշխելով ընդհանուր սեփականության մասնակիցների միջև նրանց բաժիններին համաչափ:

Նշված վճռի դեմ վերաքննիչ բողոք է ներկայացրել գործին մասնակից չդարձված անձ Սաշա Ամիրի Օհանյանի ներկայացուցիչ Հրանտ Հրաչյայի Կարապետյանը, և ՀՀ վերաքննիչ քաղաքացիական դատարանի 23.09.2022թ. որոշմամբ վերաքննիչ բողոքը բավարարվել է, Դատարանի 31.03.2022թ. վճիռը բեկանվել է, և գործն ուղարկվել է նույն դատարան՝ ամբողջ ծավալով նոր քննության:

Դատարանի (դատավոր՝ Ս.Խաչատրյան) 29.12.2022թ. որոշմամբ սույն քաղաքացիական գործն ընդունվել է վարույթ, նշանակվել է նախնական դատական նիստ:

27.01.2023թ. ինքնուրույն պահանջներ ներկայացնող երրորդ անձ, հայցվոր Սաշա Ամիրի Օհանյանի ներկայացուցիչ Հրանտ Կարապետյանը հայցադիմում է ներկայացրել դատարան ընդդեմ Առաքել Կառլենի Ասոյանի, Ստյոպա Արարատի Բերնեցյանի, Գայանե Մաքսիմի Մանուկյանի, Սուսաննա Վարդանի Ասոյանի, Մելրան Վարդանի Ասոյանի, Սամվել Կառլենի Ասոյանի, վերջինիս սնանկության գործով կառավարիչ Արման Միքայելյանի, Լևոն Շահենի Համբարձումյանի և Արթուր Ռուբիկի Սեդրակյանի՝ խնդրելով ձեռքբերման վաղեմության հիմքով ճանաչել Սաշա Ամիրի Օհանյանի սեփականության իրավունքը ՀՀ, ք.Երևան, Գլինկայի փողոց, 1-ին նրբանցք, տուն 1 հասցեում գտնվող 7,2 քմ ներքին մակերեսով շինության զբաղեցրած հողամասի նկատմամբ:

Դատարանի 25.05.2023թ. որոշմամբ թույլատրվել է կատարել հայցի առարկայի փոփոխություն և թույլատրվել է փոփոխել ինքնուրույն պահանջ ներկայացնող երրորդ անձի կողմից ներկայացված հայցի առարկան ու ձեռքբերման վաղեմության հիմքով ճանաչել Սաշա Ամիրի Օհանյանի սեփականության իրավունքը ՀՀ, ք.Երևան, Գլինկայի փողոց, 1-ին նրբանցք, տուն 1 հասցեում գտնվող հողամասի և դրա վրա գտնվող բնակելի տան նկատմամբ՝ համաձայն «ԷՅ ԷՄ ԹԻ ՔՈՆՍԱԼԹԻՆԳ» ՍՊԸ-ի կողմից 25.01.2023թ. կազմված տեղագրական հանույթի:

Դատավոր Ս.Խաչատրյանի այլ դատարան տեղափոխվելու պատճառով սույն քաղաքացիական գործը վերամակագրվել է, այն դատավոր Ա.Խաչատրյանի կողմից վարույթ է ընդունվել 28.07.2023թ.:

Դատարանի 25.05.2023թ. արձանագրային որոշմամբ Արթուր Ռուբիկի Սեդրակյանը հանվել է դատավարության մասնակիցների կազմից:

Դատարանի 20.09.2023թ. որոշմամբ սույն գործով վեճի առարկայի նկատմամբ ինքնուրույն պահանջ չներկայացնող երրորդ անձ է ներգրավվել Մարիետա Պատվականի Մխիթարյանը:

Դատարանի 25.01.2024թ. վճռով Առաքել Կառլենի Ասոյանի կողմից ներկայացված սկզբնական հայցն ընդդեմ Լևոն Շահենի Համբարձումյանի, Ստյոպա Արարատի Բերնեցյանի, Գայանե Մաքսիմի Մանուկյանի, Սուսաննա Վարդանի Ասոյանի, Մելրան Վարդանի Ասոյանի, Սամվել Կառլենի Ասոյանի, վեճի առարկայի նկատմամբ ինքնուրույն պահանջ չներկայացնող